



FISKERIDIREKTORATET  
REGION HORDALAND

ARJIV  
433

10 FEB 2003

02/16905 EKO 11

...  
Fiskeridirektoratet region Hordaland  
Postboks 233  
5804 BERGEN  
...

## UTSLEPPSLØYVE FOR SKJÆRGÅRDSFISK AS PÅ LOKALITETEN TOSKA SØR I RADØY KOMMUNE

I medhald av § 11, jf. § 16, i *Lov om vern mot forurensninger og om avfall av 13. mars 1981 nr. 6* (forureiningslova), gjev Fylkesmannen i Hordaland med dette **Skjærgårdsfisk AS**, løyve til utslepp til luft og vatn frå eit matfiskanlegg for **laks og aure** på følgjande lokalitet:

Lokalitet	Kommune	Kartblad	UTM – koordinatar	Ramme
Toska Sør	Radøy	1116 III	KN 810 286	24 000 m <sup>3</sup>

Løyvet gjeld på dei spesielle og generelle vilkår som følgjer vedlagt. Løyvet er ikkje gyldig før fiskerisjefen har gjeve konsesjon etter oppdrettslova.

### Ramme for utsleppsløyvet

Dette løyvet gjeld for eit matfiskanlegg for laks og aure, med eit samla volum på 24 000 m<sup>3</sup>, fordelt på to konsesjonar. Kvar for seg har konsesjonane berre løyve til 12 000 m<sup>3</sup>.

Dersom konsesjonen ikkje har etablert seg, utvida eller flytta innan 2 år, må det etter § 20 i forureiningslova gjevast melding til fylkesmannen, som avgjer om det må sendast inn ny søknad.

Løyvet gjeld også for utslepp frå reingjering av nøter (notvaskar) og anna produksjonsutstyr, førtillaging og medisinerer. Det er også sett vilkår for handtering av daudfisk-avfall og anna avfall knytt til vanlege aktivitetar ved anlegget.

Løyvet gjeld ikkje for slakting/sløyving/foredling av fisk.

### Bakgrunn

Vi syner til søknad dagsett 24.01.02, oversendt frå regiondirektøren i skriv datert 07.11.02.

Søknaden omfatta løyve til **samløkalisering** og utviding mellom konsesjonane H/fe 01 (Seanor Salmon As) og H/r 01 (Skjærgårdsfisk AS) på lokaliteten Toska Sør, med eit samla volum på 24 000 m<sup>3</sup>. Seanor Salmon AS stod som sækjar.

I ettertid har fylkesmannen fått skriftleg melding om endring av søknadshavar. Seanor Salmon AS har ikkje behov for denne utvidinga, Skjærgårdsfisk AS overtek difor søknaden om utviding av lokalitetsvolum på lokaliteten Toska Sør. Meldinga var underskriven av Seanor Salmon AS og Skjærgårdsfisk AS. Fylkesmannen har ingen merknadar i høve til dette.

### **Fylkesmannen si vurdering/grunngeving**

Fylkesmannen skal vurdere dei verknadene etableringa får for dei ulike ansvarsområda. I rundskriv T-3/86 (jf. rundskriv T-3/93) har Miljøverndepartementet delegert mynde til fylkesmannen til å avgjere oppdrettssøknader etter forureiningslova § 11. Fylkesmannen skal også gje fråsegn i oppdrettssøknader med omsyn til *vilt, laksefisk/innlandsfisk, naturvern og friluftsliv*. Rundskrivet gjev retningslinjer for kva tilhøve som bør trekkjast inn i vurderinga av søknaden.

I følgje oppdrettslova § 5 skal det ikkje gjevast konsesjon dersom omsøkte anlegg vil få ei klar uheldig plassering i høve til omkringliggjande miljø, lovleg ferdsle eller annan utnytting av området.

#### *- Tilhøvet til plan*

Radøy kommune handsama søknaden i møte i Hovudutval for plan, landbruk og teknisk 15.10.02, og tilrådde som omsøkt. Kommunen har ikkje motteke merknadar til søknaden. I kystsonenplanen til kommunen ligg lokaliteten i eit område avsett til einbruksområde for akvakultur, fylkesmannen har difor ingen merknadar i høve til plan.

#### *- Vilt, laksefisk/innlandsfisk, naturvern og friluftsliv*

Fylkesmannen kan ikkje sjå at ei utviding av lokaliteten vil koma i konflikt med prioriterte naturvern- eller friluftslivinteresser. Når det gjeld omsynet til ville stammar av anadrom laksefisk tilrår fylkesmannen at det vert lagt vekt på rømingssikringstiltak ved anlegget og likeins tiltak for å hindre spreiding av lakselus. Vedkomande viltinteresser vert det vist til uttale og vilkår gjeve i vedlegg 2.

#### *- Forureining*

Skjærgårdsfisk AS har utsleppsløyve på denne lokaliteten for laks og aure på 12 000m<sup>3</sup>, datert 18.09.01 Her viser fylkesmannen til at lokaliteten truleg har gode straumtilhøve, og at ein ikkje ser at det med denne produksjonen skulle vera fare for verken lokal eller regional forureining. Vi viste likevel til at vi ville be om sedimentanalysar og straummålingar dersom det skulle verta aktuelt å auke produksjonen.

Målingane vedlagt søknad om utviding kan også tyda på at straumtilhøva på lokaliteten er gode, og vassutskiftinga under anlegget er tilfredstillande. Det vart målt mellom 50 og 80 meter under anlegget, og frå anlegget skrånar botnen jamnt jo lenger ein kjem ut. Det er såleis å venta at det vil vere god utskifting av botnvatnet og at det difor kan vere tilrådeleg å gje løyve på 24 000 m<sup>3</sup>.

Eit volum på 24 000 m<sup>3</sup> gjev likevel eit potensial for høg organisk belastning, og vi finn det rett å overvaka lokaliteten. Det vert difor sett krav om ei resipientgransking i området rundt lokaliteten etter ei tid. Granskinga skal gjennomførast i samarbeid med kompetent faginstans, og skal som eit minimum inkludera sedimentanalysar (samansetning, innhald av organisk materiale, lukt og farge), samt faunaanalysar. Granskinga skal gje eit bilete av tilstanden i sjølve resipienten, og ikkje berre i den næraste sona rundt utsleppspunktet, og vi ber difor om at rapporten også inneheld desse opplysningane. Rapport skal sendast fylkesmannen **innan 15.12.06**.

Vilkår for utsleppsløyve er gjeve i vedlegg 1.

### **Erstatningsansvar**

Utsleppsløyvet frittek ikkje for erstatningsansvar for forureiningsskade etter forureiningslova, jf. § 10 og kap 8.


### **Klagerett m.m.**

Vedtaket kan påklagast til *Statens forurensningstilsyn* (SFT) etter reglane i kap. VI i forvaltningslova av partane i saka eller andre med rettsleg klageinteresse. Klage skal sendast til fylkesmannen innan 3 veker frå vedtaket har teke til å gjelde, dvs. frå det tidspunktet anlegget har fått konsesjon etter oppdrettslova. Klagen skal vise til det vedtaket som klagen gjeld og den eller dei endringar som klagaren ønskjer. Klagen bør grunngjevast, og eventuelle opplysningar som kan ha innverknad på saka bør nemnast.

Dersom vedtaket blir påklaga, kan fylkesmannen eller SFT etter førespurnad vedta at vedtaket ikkje skal tre i kraft før klagen er endeleg avgjort, jf. § 42 i forvaltningslova. Partane i saka har rett til å sjå saksdokument etter forvaltningslova §§ 18 og 19. Fylkesmannen vil på førespurnad kunne gi nærmare opplysningar om sakshandsaminga.



Håkon Kryvi e.f.  
seksjonsleiar



Signy Myksvoll  
avd. ingeniør

Vedlegg: Utsleppsløyve (vedlegg 1)  
Vilt (vedlegg 2)

Gjenpart m/vedlegg:

Skjærgårdsfisk AS, 5937 Bøvågen  
Radøy kommune, 5936 Manger  
Hordaland fylkeskommune, Avd. for regional utvikling, 5020 BERGEN  
Statens dyrehelsetilsyn, Fylkesveterinæren for Hordaland, Sogn og Fjordane,  
Bontelabo 8A, 5003 BERGEN

# VEDLEGG 1

Vedlegg til utsleppsløyve  
av 06.02.2003  
for Skjærgårdsfisk AS

## VILKÅR FOR LØYVET

### 1. UTSLEPP TIL VATN

#### 1.1 Fôr

Ved føring av fisken skal tap og spill av fôr reduserast mest mogeleg.

Det er berre tillate bruk av tørrfôr eller mjukpellets.

#### DEFINISJONAR:

Mjukfôr/pellets: Oppmalen fisk/fiskeavfall, tilsett så mykje bindemiddel at det kan fôrast ut som pellets utan å gå i oppløysing.  
Tørrstoffinnhald > 50 %

Tørrfôr: Tørrstoffinnhald > 90 %

#### 1.2 Medisin/kjemikaliar

Bruk og utslepp av medisin, insekticid, desinfeksjonsmiddel m.m. skal skje i samsvar med gjeldande regelverk/retningsliner frå forureiningsstyresmaktene.

#### 1.3 Sanitæravløpsvatn

Utslepp av sanitæravløpsvatn frå personalrom m.m. må godkjennast av kommunen i samsvar med gjeldande reglar for utslepp.

### 2. UTSLEPP TIL LUFT

Fôrlagring og fôrtillaging, spyling, reingjering og tørking av nøter, handtering av avfall, samt andre aktivitetar ved anlegget skal gå føre på en slik måte at dei ikkje fører til særlege luktulemper for naboar m.m.

### 3. STØY

Oppdrettsanlegget skal utformast og drivast slik at støynivået ikkje overstig SFT sine grenseverdier for ekstern industristøy, jf. *Retningslinjer for begrenning av støy fra industri m.v.* (TA-506, 1985).

### 4. AVFALL OG SLAM

#### 4.1 Produksjonsavfall og slam

Daud fisk, slakteavfall, fôrrestar, slam, feitt o.l. skal handterast slik at det ikkje oppstår forureiningsmessige ulemper.

Oppdrettsanlegget skal disponere eigen daudfiskkvern/ensileringsutstyr og mellomlager for lokal handsaming og konservering av fiskeavfall. Ensilert fiskøavfall skal mellomlagrast lokalt, og oppdrettsverksemda skal ha tilgang til lagertank. Volum på lagertank skal avpassast etter produksjonsmengde og transportavstandar, og bør vere 5 % av årleg produksjonsmengde.

Daud fisk skal takast opp av sjøen minst ein gong kvar dag i sommarhalvåret og minst ein gong annankvar dag i vinterhalvåret. Når det døyr meir fisk i anlegget enn vanleg, skal frekvensen aukast tilsvarende.

Oppsamla daud fisk skal konserverast straks ved ensilering, frysing e.l. og førast til eige lager. Ved ensilering skal fisken kvernast.

Ensilert fiskeavfall skal leverast til godkjent attvinningsanlegg for fiskeavfall.

Dumping av daud fisk og anna avfall i sjøen er ikkje tillate.

Nedgraving og forbrenning er ikkje tillate utan skriftleg løyve. Søknad om forbrenning skal rettast til *Statens forurensningstilsyn*, medan søknad om nedgraving skal rettast til fylkesmannen og fylkesveterinæren.

Oppdrettsanlegget skal ha planar (beredskapsplan) og utstyr for å ta hand om massiv fiskedaude, t.d. ved algeoppblomstring eller sjukdom. Beredskapsplanen skal m.a. omfatte strategiar til raskt å kunne handtere massedaude av fisk i anlegget, og klargjere kven som har ansvar for kva i slike situasjonar

#### **4.2 Medisin- og kjemikalierestar.**

Unytta restar av medisinfor, antibiotika, insekticid samt andre spesielt miljøfarlege stoff inkludert emballasje skal samlast og lagrast forsvarleg før dei vert henta av produsent eller annan instans som er godkjend av styresmaktene. Det same gjeld for oppsamla forrestar og ekskrement som inneheld antibiotika.

#### **4.3 Anna avfall**

Emballasje o.l. samt alt anna avfall som ikkje er omfatta av pkt 4.1 og 4.2 skal førast til godkjent avfallsanlegg for slike avfallstypar.

#### **4.4 Slamfjerning**

Dersom det må fjernast slam frå sjøbotnen, må det søkjast om eige løyve. Skriftleg søknad som gjer greie for korleis slammet er tenkt transportert og disponert skal sendast til fylkesmannen. P.g.a. smittefaren må også veterinærstyresmaktene varslast.

Oppsamla slam skal om mogeleg nyttast til gjødsel/jordforbetningsmiddel.

### **5. LAGRING AV MEDISIN OG KJEMIKALIAR**

Medisin, insekticid, kjemikalier m.m. skal lagrast forsvarleg og avlåst slik at dei ikkje er tilgjengelege for uvedkomande.

Lagerlokalet skal utformast slik at spill ved uhell e.l. ikkje blir slept ut, men kan samlast opp. Dette kan t.d. sikrast ved hjelp av oppsamlingstankar eller ved å laga kantar som gjer eit stort nok volum.

## **6. KONTROLL**

### **6.1. Rutiner for vedlikehald.**

Verksemda pliktar å føre jamleg tilsyn og kontroll med føringsutstyr, eventuelle reinseanlegg m.m., slik at desse alltid vert drivne mest mogeleg effektivt. For å sikre dette, skal verksemda driva rutinemessig førebyggjande vedlikehald og ha eit rimeleg reservelager av dei mest utsette komponentane.

### **6.2 Kontroll**

Verksemda skal registrere og journalføre følgjande data;

- \* fiskemengde
- \* mengde død fisk
- \* mengde rømd fisk
- \* fôrtype og fôrforbruk
- \* bruk av:
  - antibiotika, type og mengde
  - insekticid " "
  - andre kjemikaliar
- \* mengde oppsamla slam med antibiotika, og disponeringsmåte
- \* avfallsmengder og disponeringsmetode

Journalen må takast vare på ved anlegget i minst 2 år og vere tilgjengeleg ved kontroll/-inspeksjon.

Verksemda pliktar å la representantar for fylkesmannen og dei etatar og institusjonar som har fullmakt frå fylkesmannen inspisere anlegget når dei måtte ønskje det.

## **7. RESIPIENTGRANSKINGAR**

Verksemda pliktar å kosta eller delta i dei granskingar som fylkesmannen finn turvande for å kartleggje forureiningseffekten til anlegget, jf. § 51 i forureiningslova . Verksemda kan også påleggjast å betale ein høvesvis del av kostnadene ved eit resipientgranskingsprogram for området der anlegget er plassert.

### **7.1 Resipientgransking på lokaliteten lokalitetsnavn**

Det vert sett krav om ei resipientgransking i området rundt lokaliteten etter ei tid. Granskinga skal gjennomførast i samarbeid med kompetent faginstans, og skal som eit minimum inkludera sedimentanalysar (samansetning, innhald av organisk materiale, lukt og farge), samt faunaanalysar. Granskinga skal gje eit bilete av tilstanden i sjølve resipienten, og ikkje berre i den næraste sona rundt utsleppspunktet, og vi ber difor om at rapporten også inneheld desse opplysningane. Rapport skal sendast fylkesmannen **innan 15.12.06.**

## **8. GENERELT**

### **8.1 Eigenkontroll og ansvar**

Verksemda pliktar, gjennom instruksar, kontroll og andre tiltak, å syte for at drifta av anlegget skjer slik at ulemper og skadeverknader vert mest mogeleg avgrensa.

### **8.2 Akutte utslepp**

Verksemda pliktar å gjennomføre tiltak med sikte på å unngå akutte utslepp av t.d. antibiotika, kjemikaliar o.l. Dersom det oppstår akutte utslepp skal fylkesmannen varslast så snart som mogeleg.

### **8.3 Forureiningsgebyr og straffeansvar**

Forureiningsstyresmaktene kan etter § 73 i forureiningslova gjere vedtak om forureiningsgebyr for å sikre at reglane i lova og vilkåra i dette løyvet vert etterlevde.

Brot på vilkåra i løyvet er straffbart etter kap. 10 i forureiningslova.

### **8.4 Endring av utsleppsløyvet**

Dersom fylkesmannen finn det naudsynt, kan det setjast krav om at ytterlegare tiltak vert gjennomførte for å hindre eller redusere forureiningsfaren frå oppdrettsanlegget.

Eventuelt kan han krevja at anlegget vert flytta når krava i § 18 i forureiningslova "*om endring og omgjøring av tillatelse*" er oppfylte.

### **8.5 Nedlegging, eigarskifte, konkurs**

Ved eigarskifte, inkludert eigarskifte i samband med konkurs, må det gjevast melding om dette til forureiningsstyresmaktene innan 4 veker. Det same gjeld ved endring av namn.

Ved nedlegging av drifta, t.d. på grunn av konkurs, skal det også gjevast melding til forureiningsstyresmaktene, jf. § 20 i forureiningslova.

Verksemda er ansvarleg for rydding og istandsetjing av det området som har vore i bruk, jf. § 20 i forureiningslova.

## VEDLEGG 2

### VILT

Viltlova frå 1981 skal sikre alle dyr og fuglar eit minimum av vern. I utgangspunktet er alle viltartar freda. Lova seier vidare at:

*"Ved enhver virksomhet skal det tas hensyn til viltet og dets egg, reir og bo, slik at det ikke påføres unødige lidelse og skade."*

Ut frå noverande kjennskap til området, synast ikkje den påtenkte plasseringa å kome innafør viktige viltbiotopar. Indirekte kan ei slik etablering føre til konflikhtar og påførast problem med omsyn til det frittlevande viltet. Røynsle har vist at desse anlegga kan verke tillokkande for villmink, oter og visse fugleartar frå dei kringliggjande områda. Skadeproblema som dermed oppstår, kan i neste omgang aktualisere søknad om fellingsløyve.

Før ein søknad om fellingsløyve kan etterkomast, gjeld det visse generelle vilkår som må vere oppfylte.

Det vert presisert at før felling pliktar eigar, brukar eller rettshavar i rimeleg omfang å prøve andre tiltak for å førebyggje viltskade.

Når det gjeld dette anlegget, bør det av omsyn til viltinteressene, og som førebyggjande tiltak mot viltskade, fastsetjast følgjande vilkår for konsesjon:

1. Eigar av oppdrettsanlegget skal montere måsenett over kar og merdar som står utanomhus før dei vert tekne i bruk. Det må sytast for at nettet til ei kvar tid er i tilfredsstillande stand.
2. Ved eventuell viltskade på oppdrettsanlegget skal eigaren straks ta kontakt med viltneimnd eller viltkonsulent for å drøfta aktuelle åtgjerder.
3. Eigaren av oppdrettsanlegget skal førebu montering av flytelense med sperregarn og otersikker port på landgangen. Montering av slik lense og port skal gjennomførast når fylkesmannen eller miljøvernstyresmaktene sentralt krev det. Maskevidda på sperregarna skal avgjerast av miljøvernstyresmaktene.